



22211

kal.komp.

III

Mag. St. Dr.

P

Loc. ferri: Arms pacis novo sine sanguine tri-  
umphatores Vladislaus IV — ab expeditione bel-  
lica reduci — religione consecratur.


PANEG. et VITAE

Polon. Fol.

№ 1524.



Biblioteka Jagiellońska



stdr0004623





ARCVS PACIS  
NOVO  
SINE SANGVINE  
TRIVMPHATORI  
VLADISLAO IV.

POTENTISSIMO  
SARMATIÆ MONARCHÆ

Ab expeditione bellica

In Amurathem Turcarum Imp : suscepta

Feliciter & Auspicatò

REDVCI;

LAVREATISQVE REGNI ORDINIBVS

Triumphalem hanc portam

vnà subeuntibus,

*Inter publicos Europæ acclamantis plausus*

E VOTO SOCIETATIS IESV

Religiosè consecratus.



CRAC. In Officina Andrea Petricouij, S. R. M. Typographi.  
Anno Domini, M. DC. XXXV.





Orietur in diebus eius iustitia, & abundantia Pacis,  
donec auferatur LVNA. *Psal: 71.*





# ARCUS PACIS.

**Q**uisquis terrarum excidio, vel sanguine Pacem  
Humano docuit nasci, sociandaq; primus  
Regna dirempturis ferro commisit & igni,  
Audiat (instratis fracti seu molibus Orbis  
Inflatus premitur, violato subter amatas  
Seu luit Oceano strages, fustumque cruorem)  
Non bustis populorum immanibus audiat, Æuo  
LADISLAE Tuo, non crescere sanguine lauros.  
Innocui veniunt Mundo ac sine cæde Triumphi.

DEO EXERCITVVM, DEO PACIS,  
QVOD INVNDATIONE BARBARIÆ POLONORVM  
TERRIS DEPVLSA, TRIVMPHALEM PACIS ARCVVM  
IN COELO SARMATICO LIBERIS INVICTÆ GEN-  
TIS MANIBVS CONSTITVERIT, ORBEMQ. TERRA-  
RVVM AD OTIVM ET TRANQVILLITATEM REVO-  
CARIT; INTEGRA AC FERRO ILLÆSA HOSTIA  
CADAT AMVRATHES.

AVGVSTÆ SALVTIS MATRI,  
CVSTODI ET ARCÆ FÆDERVM,  
VNI AC PERPETVÆ POLONIARVM HÆREDI,  
OB SIGNA LVNASQ. OTHOMANNICAS FATALI  
AVSPICIO REPRESSAS AC DEPRESSAS; LVNA BAR-  
BARA FATALI SORTE SVB PEDIBVS ESTO.

VOBIS, DIVI DIVÆQ. PATRIÆ  
OB SERVATOS LECHIAE FINES, ARMAQ. THRA-



CIAE SINE ARMIS EXCVSSA ; INVIOLATAS ARAS  
GRATA PATRIA , VICTIMAS BARBARIA  
CVMVLABIT.

**V**Nus demum exitisti, VLADISLAE REX  
POTENTISSIME, cui salus, tutela, secu-  
ritas humani generis meritò à Superis cōmissa cre-  
ditàq; esse videatur. Cessit impar tanto æmulo mū-  
di terror Amurathes, ne caderet; si nō hoc ipso pro-  
stratum Orbis videt, quod supplex tibi veniamq; ac  
pacem orans prociderit. Nondum bello humana  
virtus effecit, quod virtutis tuæ ipsa existimatio sine  
bello. Profectura scilicet non erat felicitas, si armis  
vicisses, quibus nuper quidquid habet Septentrio du-  
rissimum fregisti: ad tuæ prodigia Fortitudinis ac-  
cessio hæc fieri solū potuit, vt clausus vaginā mu-  
cro hostem sterneret, seruaret Orbem. Quod no-  
mine pollicebaris, manu iam ac virtute præstitisti  
verè Princeps, sub quo primū Sarmatia vires a-  
gnouit suas nulli potentiæ non pares esse. Timeri  
adhuc poterat, nisi timeri à Te voluisset barbarus;  
adeoq; vincendi fiduciam amisit, vt Polonia inueni-  
ret. Bellum, quod & nauibus aduexerat, vt ipsi flu-  
ctus armatis quodammodo procellis aucti ferale di-  
luuium in nos deuoluerent; & per vastissima terra-  
rum spatia æquè feris hominum ac belluarum lacer-  
tis in Valachiam apportarāt, vt telluri quoq; ipsi &  
non solis nobis graue esse crederetur, hoc inquam  
bellum, quasi fabulam dare mundo veller, postea-  
quam in illo Martis theatro constitit, cū promit-  
tere Actus ingentes cæpisset, repentè in latebras se  
recepit: ipseq; simul Amurathes personam depone-  
re coa-



re coactus est, proq̃, audacia pudorem ac metum fateri. adeò nihil formidabile habet natura, cui non vicissim aliquid formidandum prouiderit! Cohorruimus, fateor, ad primum illum armorum strepitum, bene conscij, quòd is gladium extulisset, qui vnā nobis omnibus vellet esse ceruicem, iterumq̃; in nouo illo furore antiqua Caligulae vota mundus expauit. sed eā imprimis Regni partes, in quas ē vicino agebat metus, tanquam dissita à Corde suo mēbra, linq̃ui paulatim animis cæperunt: iamq̃; in procliui erant, nisi ad Tui aduentūs famam se erexissent. terram illam vix tam citò calcasti, quā illa vires sibi cum sacro vestigio sensit impressas. Vocem olim audieramus Magni Pompeij; quòd vbi tellurē Italiae pede pulsasset, innumeri exercitus essent in Cæsarem erupturi: euentus resq̃; ipsa Tibi seruabatur, ne dubitarem quoscunq̃; Magnos aut Maximos edixit Antiquitas, minores fuisse. Nam Russiae terras nusquam attigisti, vbi non admirabili numero victrices copiae circumstiterint. Sanè redeunt animi populorum, quocunq̃; Scep̃trum velut Mercurij virgam attulisti; laurus est, quidquid calcas. Verum hoc in tuis factis admirationem habet præcipuam; quòd ad bella natus Pacem vbiq̃; circumferas: non humana ista est moderatio, Summa felicitate non vti quantū possis, vincendiq̃; ac regnandi terminos Pacis arbitrio definire. Nimiū sæpè didicimus, neque à Sole radios, neq̃; ab insigni Potentia vires & arma contineri posse. Affine quiddam habent Lux & Maiestas; vt illa, tametsi quieta ingenio & placida, ignem nihilominus parit: sic ista quocunq̃; Serenitatis nomine censeretur, id tamen semper fuit, vn-



de Orbis incendia exarsere. Nouo itaq; exemplo  
bellicæ laudi ac summæ fortunæ quasi frenos iniicis,  
dum Orbi pacando studes, nec arma euagari finis vl-  
tra communis otij metas. Pacem Septentrione to-  
to non imperium propagare nuper voluisti, iam &  
Orientis Pacificator audire, quàm Debellator ma-  
uis. displicuit tibi mundus ita sanguine vnde quaque  
pollutus, vt nomen panè amiserit: noua sine armis  
ratione subigere omnia, id planè Regium putauisti.  
nam terras & maria cruentare serui etiam quandoq;  
potuerunt: cruenta verò hæc diluuiâ exterminare,  
sibiq; mundum reddere nescio an duobus (nisi Tu  
alter sis) Imperatoribus summis contigerit: diu vel  
in augusto sanguine requisuimus Augustum! Ergo  
ipsa, inuictæ Fortitudinis opinione profligare ho-  
stem contentus terrore belli maiora, quàm bello  
quisquam instructissimo, confecisti. Debeatur hæc  
vis emeritæ Virtuti, vt etiam parcendo vinceret, ho-  
stemq; reprimeret non premendo. Atq; vt magna  
corpora, quò ipsa non perueniunt, vmbra tamen  
porrigunt suam, sic virtutis tuæ magnitudo castra  
barbarorum latè complebat horror absentibus, præ-  
sentibus amor. Hinc illi semper ad hanc diem inua-  
dere aliena soliti ante primos Tui Regni aditus con-  
stitere, quasi pro suo metuerent, sceptraq; iam emi-  
nus adorarent tua. an & religione tenebantur, ne  
suorum hic sanguinem calcarent, quos tua manus  
quondam Osmano inferias dedit? certè bono iure  
abstinuerunt à terra, ex qua non sibi amplius deberi  
sciebant, nisi quantum sepulchro satis esset. ad suo-  
rum præstabat, quàm ad suos tumulos tam longum  
iter suscepisse, leuiusq; visum est armis quæsitam  
igno-



ignominiam, quàm cladem haud sine ignominia re-  
ferre. Ita cùm Poloniam velut Oceanum quendam  
adspicerent, in quo fatale ipsis naufragium tua Vir-  
tus prænuntiauerat, trepidi atq; ab animis relictī in  
ipso quasi littore hæserunt. Nec vela promouit A-  
murathes, non dubius hoc æquor à Luna infestari  
solum vt extollatur: vincula quidem & compedes  
parauerat, sed vt Xerxes Hellesponto: adesse de-  
mum vetera nomina intelligebat, sed abesse veterem  
nominibus fortunam. quam obrem exclusa imitan-  
di spe, frustra tam atrox in oculis exemplum erat;  
non quòd hic noster non illo Amurathe ferocior,  
sed quòd Tu illo felicior Vladislao. Quod si pro bar-  
baro illo mundus erubuit, cùm terram & flumina  
sanguine infecisset, iam iste terris vndiq; abste vin-  
dicatis suum ferre cogitur pudorem. Nec ille tam  
suis armis, quàm nostrā Europam ignaviā & crimi-  
nibus oppugnavit. hic verò omnem in suomet fastu  
ac perfidia vim posuit, ne scilicet alijs artibus Tyran-  
nidem stabiliret, quàm quibus erecta est; attamen  
eum ex aduerso habuit, qui (vt Belisarius aliquando  
in Persas ducens) violati fæderis leges hastis præfi-  
xurus mox erat, fidemq; ac iuratae pacis reuerenti-  
am impijs pectoribus ita saltem incussurus. Neque  
enim diffiteri potest, nisi qui Orbis iudicio confutari  
velit, armis perinde ac inermi consilio repressus est,  
opprimi hostem potuisse: prodigiosa vbiq; gentiū  
est, quamuis ipsā minor, Virtutis tuæ existimatio,  
diuq; fortunam tuam Militarem & Bellicam appel-  
lauimus, donec deprehenderetur, tantundem sine  
bello militiaq; posse. Quia enim præ omnibus Pa-  
cē regno tuo parere decreueras, Bellonæ primū  
nube-



nubere malebas ; sponsali ferto lauream , Io triumphale epithalamio prætulisti. non aliæ tædæ præluere ad torum debebant Lechico Marti, quam inflammata suisq; ignibus collucens Thracia. Verum posteaquam in prælijs & cruento stadio inuictam Fortitudinem Orbi probasses , ne vno modo summus videreris, novos absq; sanguine triumphos docere iterum voluisti. Fulminum hic mos est, ferrum & quidquid repugnat, frangere ac redigere in fauillam , mollioribus & quæ sponte cedunt parcere ; vt facile aduertamus cognationē inter Dei tela & Regia. Atq; vt illa magis sunt mira, vbi seruant, quam vbi sæuiunt, ita hæc prodigij plus habent, dum hoste intacto maiora, quam cæso deletoque gloriosè patrant. Non est promptum ea dicere omnia, quæ tam prompto Superum ac Tuo munere obtinuimus. Scythas finitimos solum vertere cogis ; ne videlicet ab ijs annuus terror, barbarum sanè vectigal, Europæ amplius pendatur. sæpius illa, quoties suo imminentes iugulo sensit, Poloniæ obiectu defensa est : tamen fieri haud poterat, quin tela, quæ ipsa vitauerat, in Clypeo saltem hærerent. at obriguere iā metu, ne arma expediant ; in Persei scutum Sarmatiam ijs versam dicas. Delubrum quoddam Herculis fuisse memorant, quod clauæ ipsius ad ianuam defixæ beneficio nullius vnquam canis ingressu funestaretur. dubitarem apud nos Herculeum esse sacrarium, nisi tam longè rabies ista nostris iam sese à finibus abstineret : palam est, quòd monstrorum domitricem sacriq; custodem limitis clauam odoretur. Illud verò quanto barbarorum dedecore, quantâ nostrorum gloriâ effectum est, vt autor & fax belli huius  
extin-



extingueretur? Abassius, inquam, ille, qui te alibi  
fædifragi populi victorem alibi fædifrago à populo  
victum reddere tentârat, è viuis, vt è Polonia, non  
excessit, sed exclusus est. ô diem illum Turcis omi-  
nosum, tibi tuâq; militiæ faustum ac salutarem, quo  
Amurathe ipso iniuriam tuam vlcisci coacto sacri-  
legus prædo ille præstrieto collo interiit, fatis hoc  
agentibus, vt cœlo barbaro diu spirare non posset,  
qui auram Sarmaticam nefario anhelitu semel vio-  
lârat: neq; Clauam ille tuam exercitu amisso vnus  
propè vitasset, si aut mitiori iudice, aut leuiori sup-  
plicio dignus fuisset. Quod si pro capite, ne trunca-  
retur, anxie deprecatum ferunt, noluit, credo, mi-  
nor inferos adire, ne Furijs non gigas appareret, nul-  
la re magis hoc nomen meritis, quàm quòd cum  
Ioue bellasset: quanquam & illud sepulti gigantis  
haud leue indicium, quòd velut alter Enceladus sub  
Ætna humatus flammam adhuc mouere, Lechiâq;  
incendium minari ausus fuerit. sed vmbra metuere  
nô potes, qui viuû spirantemq; metu armorû tuorû  
exanimare potuisti. Iam sublato capite, nervisq; suc-  
cisis mēbra facilè cætera languerunt. ipsa belli sedes  
Valachia nutare haud leuiter visa, vt pacifico sese  
victori submitteret. nempe diu alternis viribus dis-  
cerpta cum ægrè consisteret, subiecerat olim sese  
currenti ferociæ, sed tanquam offendiculum, vt e-  
uerteret: hodie pronis ac prostratis supplicandi ne-  
cessitate hostibus, quasi legitimum Principem ea spe-  
cie salutaret, erigit se iterum aduentu tuo, vt habeas,  
cui nouo cum magistratu vetus iugû imponas. quid-  
quid Tyram inter & pontum Euxinum terrarum est,  
ne motâ quidem adhuc dexterâ cepisti. Plura eius-

B

modi



modi commemorarem, sed orationem admirationemq; totam absorbet ipse Amurathes Sultanus positâ cum armis arrogantiâ Tuæ supplex Maieſtati. habes infra te, quidquid vniuerſos Reges populosq; supra eſſe videbatur: Orbis terrorem velut in triumpho ducis, niſi minùs glorioſum ſit animos perdomitos quàm corpora conſtricta in pompam trahere. Arcum viſ triumphalem? en hæc ipſa victoriæ huius trophæa, ſignum planè fæderis illuſtre ſi non, vt olim, in nubibus, tamen in Europæ oculis poſitum: cuius intuitu meminiffe hoſtem oportebit, ſe cum humano genere in gratiam rediſſe. Nondum Iridem à Luna effectam viderat natura, Tuæ Maieſtati hoc prodigium ſeruafſe tempora videntur, vt aſtrum hoc in occaſu eſſet, tibiq; victori expanderet Arcum Pacis. quin & præcurrens de more tempeſtas, cùm ſanguinem & prælia concepiffet, genuit ſerenitatem. Deprehendes in ea colorem aureum illo maximè indicio, quòd expalleſcat: nec viridis deſiderabitur; quia Mahumeti carus, noſq; omnia illius gentis inſignia in tuiſ fore ſpolijs ominamur. quod ſi ruber aut alius quiſquam falſus creditur, non falſo opere dabit tuus gladius certioſorem. Age interim hunc Arcum obdepreſſam erectum Barbariam ſubi triumphator; nos ad ingreſſum tuum oratione pauliſper conſiſtere iuſſa rite ominantis Patriæ carmen accinemus:

**M**ittamus auris bella truci ſuper  
Gerenda ponto: cur propè ſanguine  
Diluta vanefcat ruentes

Indigenas præitura tellus?  
Non Marte, quanquam colla rebellium  
Frenauit Vrfarum, & (vigil ignibus  
Te teſtor æternis Olympo)

Succiduo docuit morantem

Nutare



Nutare plaustro, non sine siderum  
 Risu, Booten: cum genibus minor  
     Stratis verecundum daretur  
         Sarmatico Spolium triumpho;  
 Quauquam Threissis cladibus aggerem  
 Orbi Polono struxit, & obsitas  
     Captum inter Osmani ruinas  
         Panè Tyram veteres in aquor  
 Nescire calles imperat, ac novos  
 Armis natantum exscindere Bistonum:  
     Non Marte certandum, subactò  
         Si libeat dare iura mundo.  
 Praclara siccis gaudet adoreis  
 Virtus; triumphì sola reum tenet  
     Fortuna Martem, quæ cruentato-  
         - Haud simul immoriatur Orbi.  
 An, gestit arces qui super erutas  
 Pronis volantum illidere turribus  
     Calces quadrigarum superbos,  
         Victor erit superesse regnis  
 Audax sepultis? latius imperat  
 Seruator Orbis mucro, superstites  
     Non relinquere aternum futuro  
         Immemor exuias trophæo.  
 His perge bellax artibus instrui  
 Æuum: recusì pro gladijs solum  
     Frangant ligones. sat triumphì  
         Pectus inerme sui tuentur,  
 Partaq; virtus conscia gloriæ.  
 Non turbinis, quem stipat inanium  
     Vulgus procellarum, tonitru  
         Cesserit haud superata moles.  
 Audite: versas metra loquacibus  
 Motura cristas è galeis sonant;



*Pippire iam mihi videtur  
Nidus, IO, tener. Arma Paci  
Calcanda littus subijce Balticum:  
Vindex togati Numinis ilicet  
Magni VLADISLAI triumphale -  
- Augurium Gladius probabit.*

**N**ON intra hos fines stetit Gloriæ tuæ magnitudo,  
**R**EX POTENTISSIME; nisi enim in-  
plurium ornamenta sese diffunderet, à Te angusta  
iudicaretur. Nempe ut Maximorum est, fortunam  
tenuisse præ alijs: sic Optimorum, deriuare in alios.  
Adsciuiti in huius societate victoriæ Sereniss: Prin-  
cipes **CASIMIRVM, & ALEXANDRVM**,  
siue ut Patria sacro Heroum ternione redderetur in-  
uiolabilis, siue ut hostis victorem sibi liberaliori o-  
ptione deligeret. fuitq; hoc admirabile factorum  
opus, ut tribus cederet victoribus, quoniam ter ca-  
dere non posset. Enimvero Poloniæ amplitudo nū-  
quam maior esse poterat, quam cum hos in armis  
haberet, qui & Magnos nominibus referebant, &  
eorum magnitudini sæpe mundus erubuit, cum par  
non esset. regna etiam distraxisset, ut laxaret angu-  
stias, nisi vel singuli (nouâ inter Principes ambitio-  
ne) vni quærerent vniuersa, vel vnus optaret singu-  
lis. misera profectò ætas, si non beatiùs est impera-  
toribus abundare, quam imperijs. Sarmatiæ omni-  
nò gloriosum fuit pro Regibus bellatores, aut pro  
bellatoribus Reges habere; gloriosum Magnis He-  
roibus in puluere & sole prius, quam in folio Patri-  
am tueri. Nimirum in Regnatrice hac Domo natos  
isto maximè indicio agnoscit Orbis, quòd sceptrum  
non ante hastam in manus admittere soleat, neq; co-  
ronæ



ronæ nisi galeâ pressum caput submittere, quasi ferro exercitatis duratisq; leuius incumbat pòdus terrarum. Nec illustriore argumento agnouisti & Tu, **REX POTENTISSIME**, germanam Tuæ fortitudinem atq; fortunam, cùm Serenissimorû Fratrum alter æstuante inter Septentrionis glacies animo signatas tuis laboribus metas obiret, æmuloque gloriæ passu grandibus instaret vestigijs. nihil deterere potuit semper infractum ac sui similem, vt facile Constantiâ natum intelligeremus: inde verso ad hoc alterum Tuæ gloriæ theatrum cursu, cùm in medio ante Lunas ei Turcicas occurrisset morbus ille, quo prostrati omnes fuimus, priuati doloris molestiam salute publica visus est curasse, morbo pariter cum hoste pulso. Alter verò è longinquis regionibus, quas lustrando Serenissimus hospes illustrabat, Superi boni, quanto ardore ad primum tubæ Othomânicae sonum accurrit, Fatis consonum arbitratus vt primum sanguinem eo bello Patriæ libaret, quod primum ac perpetuum in ore habuit! cæterùm ad victoriam satis erat, voluisse: quod agere arma destinauerant, egit ipsa maiestas armorum. quanquam ne magnis conatibus deesset euentus, in reditu demum, hausto è bellicis æumnis morbo, victorem spiritum in Patriæ obsequio profudit, puto, vt pestis illa atq; exitium Reip. penitus diffaretur. Ista Principum fors est, vt eorum periculis, morbis, & morte salus ac vita ciuium constet. Vt olim Romanis Deorum par (Castorem illi credidère ac Pollucem) equitum sudore madentium specie in Vrbe visum celebrem illam de hostibus victoriam prænuntiavit; ita nobis à debilitata fractaq; duorum Prin-



cipum valetudine, inusitatae huius victoriae omen  
fuit. Sed quoniam

*Alternâ Castor Pollucem morte redemit,*

hoc vicissim relato inter sidera dabit superstes He-  
ros, ut extremis eum lachrymis illò prosequi sinat  
ipse, cum geminam magnitudinem, tum magnas &  
magnorum aliquando panegyres impleturus.

*Vos ego vos tacito, crudelia sidera, planctu  
Te prodam lachrymis, raptor Olympe, meis:  
Quà Ganymedeos monstrat, licet inuia, passus  
Semitâ, Pegaseo nitar in astra pede.  
Pro Zephyris densata vehent suspiria vatem  
Nubila & obstantes frangere docta polos:  
Non ibi Sarmaticos dubitem spectare triumphos,  
Quaq; facit noster lata theatra dolor.  
Obuia calcato mihi pompa sonabit in auro,  
Et Lechicum multâ voce iterabit Io.  
Astrorum sic scena sumus, nostrisq; cupita  
Ille vel è damnis gaudia Circus habet!  
Regales trabeas, baccata monilia stellis,  
Affusum toto Sole videbo thronum,  
Congesto Superûm diademata Regia censu,  
Sceptraq; siderea dote redempta Domûs,  
Accensum meliore Diem mirabor obryzo,  
Pergama Latitia latè habitata noua,  
Deniq; stelligero Heroëm comitante Senatu  
Deprêndam augustos ferre per astra gradus:  
Heu, merita quidquid poterat promittere fronti  
Lenta nimis tellus, promere, Olympe, potes:  
Vnus ALEXANDRO tu sufficis; illaq; Regno  
Non poterat Virtus, credo, minore capi.  
Hec, mihi, dum memoro Lechica miracula pompe,  
Funebris in laurum sponte cupressus abit.*

Minimè



**M**inimè fortasse decuit triumphales aures fune-  
bribus lamentis implere, sed artem, qui & Sar-  
matiam, confudit dolor. At ne iam è planctu no-  
stro plausum capiat hostis, ortumq; Lunæ suæ post  
tantæ lucis occasum speret; age, Victor Magnani-  
me, absterfo tantisper luctu oculos sereniores in-  
succedentem bellatorum pompam, reflecte. ij Te  
adhuc circumstant, quorum vim & arma in vulne-  
ribus suis ille, Tu in victorijs agnoscere tuis potes.  
Non enim Regum sanguinem huic ego deinceps  
opponam, etsi Regum Tyranno; sunt pro Theodo-  
sij's Stilicones. Equidem non è fabulis didicimus,  
Atlante submoto cœlum in Herculem tutò incli-  
nari potuisse, cum ipse Moschouiam ingressus totâ  
Poloniæ tutandæ curam, atque adeò totam molem  
belli Turcici in Illustrissimum STANISLAVM KO-  
NIECPOLSKI, Generalem Exercituum Ducem, cõ-  
iecasti. Ostendêre tempora, nec alium Regem tan-  
to militiæ imperatori, nec alium Regi tanto militiæ  
imperatorem debitum fuisse. dignum alterius Ma-  
iestate, alterius Fortitudine conflictum sensit cam-  
pus ille planè Martius, nectâ vllius germinis, quàm  
cladium atq; palmarum ferax, cum Abassio illi, quẽ  
antè memorauimus, partim legionum barbararum,  
partim absentia Tuæ fiducia Regnum inuadeti ob-  
uiam stetit tam consilijs celer, quàm lentus videba-  
tur. Miraculum, non imperatoriæ artis exemplum  
fuit, quòd nullam hostis machinam moliri potuerit,  
quam non prouidisset; nullam prouidere, quacunq;  
hic noster fuerat molitus. Audiuisses non absq; ani-  
mi voluptate noua musices inuenta, cum barbaro  
ad pugnam eliciendo, quasi victoriæ huic tuæ pro-  
lude-



luderet, tubis choros militariter cani iussit; puto, ut saltatorium honestaret orbem, in quo (ut iste fert ludus) verbera, quocunq; se dedisset, accipiebat miser Salius. Profecto Martia hæc est, quam ipse reperit, magia: Lunam classico euocare! Habes, REX POTENTISSIME, qui Turcas aliquando Tuis auspicijs saltare ad tibiæ nostræ modos doceat. Abasio interim funebris hæc fuit cantilena. nam exercitûs reliquijs tanquã attritâ inter scopulos mutilataq; rate Constantinopolim ægrè subductis, quem è diurna nocturnaq; fuga nondum penè collegerat, spiritum effundere coactus est halitu præcluso, fortè, ne amplius hanc saltandi illecebram anhelaret. Ita cum ludus & fabula è nationum terrore fieret, appendix tragica non potuit deesse! Nolo Arcum hunc triumphalem accersitis decorare insignibus ac emblematis: appendantur sacris Magni Pacificatoris altaribus Arma Koniecpoliana; Soleam dico gentilitiam calcandis barbarorum ceruicibus fatalem. Quod si locum in cœlo, ubi Luna eclipsim pati solet, ut exprimant Matheseos periti, Solæ quandam similitudinem depingunt, veriùs in huius victoriæ symbolis ponetur illa Solca, in quam impingere nunquam Luna potuit Othomannica, quin deliquium pateretur. Haud longè aberit Fluius LVBO-  
MIERSCIANVS, ubi fluctuanti Patriæ fida semper tranquillaq; statio, barbaris myoparonibus nunquam euitabile naufragium. quoties ille rubuit cruore ingentibus Tattarorum copijs deletis? quoties, ingenio ad candorem Pacis reuocato, crystallo purius fluxit? Meminêre campi illi Podoliani aceruis hostium oppressorum, pro manipulis impeditarû aut popu-



populatarum messium instrati, quis in bello geren-  
do? Meminit arx Chocimia, quis in pace constitu-  
enda fuerit magnus bello & pace LVBOMIERSCIUS?  
hæc ipsa in Amurathem expeditio quantas illius co-  
pias, quàm armatas pariter & ornatas habuit! vnâ  
scilicet arte hostis ad certamē elici debuisset, vt præ-  
dam sibi pro pugna paratam esse persuasus, vulnera  
pro spolijs referret. Est in tuo Regno, POTEN-  
TISSIME REX, non Pactolus aut Ganges auri-  
fer, sed nobile illud Flumen, è quo in Rempubl. be-  
neficia tam diuite alueo refunduntur, vt Poloniæ ga-  
zam vehere videatur. Age, pro Tanai vel Tyra,  
hunc Regni tui nunquam violatum limitem ad tri-  
umphalem Pacis Arcum statuamus. Merentur  
non imparem locum Hastæ ZAMOYSCIANÆ, vt à tri-  
umpho ne absint, quas tam propè in victoria esse vo-  
luisti. Pallas ipsa non alias aut gerere sagata vellet,  
aut togata Regali defigere Monimento: non alias  
nouo Asiæ victori Lyfippus ille pro fulmine in dex-  
tra collocaret. Ac si Lunâ barbara supersticio can-  
dē voluit esse, quæ in terris Diana, Proserpina dici-  
tur apud inferos, ne qua, opinor, Vniuersi parstyrā-  
nide vacaret; nihil cōmodius euenire potuit, quàm  
vt hisce tribus Hastis aduersus triforme mōstrū vte-  
reris, dū pro Vniuerso pugnares. equidē verendum  
non erat, ne hiantia illa cornua in orbem plenū co-  
irent, modò ferratus hic limes obstitisset. fabula est  
Herculem telis suis cum Nessi cruore vim illā mor-  
tiferam illeuisse: crediderim potiùs hisce Armis ro-  
bur quoddam præpotens affusum eo tempore, quo  
illa fortissimi SHARI melior sanguis imbuit; reor, vt  
Herculi Polono tandem vsui forēt. Iuere per varias



manus, Scæuolarum dicerem, quia notæ fortitudi-  
nis, sed cùm insuper, ob cognatam huic sanguini sa-  
pientiam, errare in hoste nescierint, haud occurrit  
par nomen: Fabijs certè, Metellis, Scipionibus, solâ  
temporum iniuriâ fuere posteriores, etenim rebus  
gestis longissimè præcurrere. seruabantur demùm  
huic fortunæ, vt inter prima victoriæ huius Tuæ in-  
signia collocarentur. Ecquis vniuersos numeret,  
quos progenit militaris hæc mundi ætas, vt Regum  
fortissimo bellatores idoneos prouideret? quis Ar-  
ma, quibus in hostem vsus es, percenseat? Occurrit  
tamē præ alijs bellica nobilitate ornatissimus **LVCAS**  
**ZOLKIEVIVS**, Kalusien: Præfectus, quem seu armorū  
similitudo, seu militarium studiorū imitatio gloriæ  
**KONIECPOLIANÆ** coniunxerit, præsignem certè  
indolem haud immeritò à Marte adamatam credi-  
derim, nempe vires animosq; fortitam ultra vota  
mortalium. inest gloriosum quiddam illi sanguini,  
quem semel pro Patria Virtus effudit. Neq; Sarmat-  
ia potest carum illud fortissimi Patruī caput luctuo-  
so quondam prælio amissum, hodie in Nepote absq;  
gaudio reperire. Dignum certè iudicauit, qui Bar-  
baricis palmis nuper ornatus in Moschouiam deuo-  
ta Tuæ Maiestati Arma transferret, ne victoriæ de-  
essent, si adesse bello non poterant. Iam & Lunæ  
Othomannicæ metuendum geminis è crucibus te-  
lum opposuerat Soleâ gentilitiâ pro arcu impigrè  
vsurus, nisi scopus tanta demissione ictum declinaf-  
set. Hic igitur arma illa sine cæde iam edocta vin-  
cere inter recentes Portæ triumphalis laureas repo-  
nantur. At quonam ordine collocari mandas auita  
clarissimorum **IANVSSII** ac **IEREMIÆ VISNIOVECIORVM**  
Ducum,



Ducum Insignia Regio apprimè digna sacrario ?  
 agnosce tergemina Crucem, cui Luna iam olim  
 substrata est: quia ferendo non est, quoties pondere  
 isto premitur, ac fermè vix premitur absq; salutarè  
 hoc Signo fortissimè pro Patria sublato. Vtinam  
 tanta nobis vel dictionum esset copia, quanta Tibi  
 armorum eiusmodi! Erat semper in promptu GE-  
 ORGII ZASLAVII Ducis Martiale præsidium, erant  
 KORECIORVM, CZARTORYSCIORVM, aliorumque  
 Ducum ac Procerum inuictæ centuriæ, quorum  
 vel nominibus recitandis immensa propè oratio  
 deberetur. Omiserim, pace Tua, Illustrissimum  
 KAZANOVIVM Podoliæ Palatinum, Campestre  
 Exercituum Ducem, in primis cæteroqui ponendū:  
 sed illi & Prussico, Moschouitico, Turcicoq; bello  
 magnâ hostium clade parata est immortalitas, & re-  
 cens è Moschouia victore cum exercitu ad palmam  
 haud dubiè aduolasset, si cuiusquam passibus victoria  
 Tua præcurri potuisset. Omiserim & clarissimum  
 quâ Patriâ Lunâ & Stellis, quâ suis met facinoribus  
 STANISLAVM DANILOVICIVM, cui in luce tot A-  
 strorum nato splendidius nihil esse potest, quàm Te  
 Imperatore ea militiæ rudimenta posuisse, quæ tot  
 victorijs erant distinguenda. Nec minore complu-  
 rium aliorum veniâ opus erit, qui se à panegyri no-  
 stra præteritos minùs tamen succensebunt, cum Fa-  
 stos impleuerint æternitatis. Est præ oculis POTO-  
 CIORVM & KALINOVIORVM æmula fortitudo, est  
 SOBIESCIORVM & OSTROGIIORVM præpotēs di-  
 cendi vis atq; agendi, est aurati Equitis RADIVILII  
 probata bellis omnibus fortuna, sunt aliorum deco-  
 ra sanè innumera: verum ea diserto vtcunq; silen-



tio venerari cogimur. vnus tacere non debuimus  
ALEXANDRI PIASECZYNII nomen, quod literis  
ipse dignatus Regijs Europæ commendasti. clarita-  
tem hinc ille Tuæ Maiestati, illi Maiores debent.  
Fluius certè gentis huius prænobilis tunc fluere cæ-  
pit ad miraculum, cum Tu illo ad miraculum vti.  
A paruo torrète inusitatæ magnitudinis molem sub-  
uersam esse raptamq; in præceps accepimus, cum  
exiguus ille copijs totas pænè armatæ Moschouiæ  
vires aliquoties Magnis Exercituum Ducibus, Teq;  
ipso teste sustineret, gladios inter & flammæ hosti-  
um illæsus, vt sibi fluuialem vndam illi fodere vider-  
entur; dextra tamen ictum excepit, quasi Mars no-  
taret eam manum, à qua hosti maximè cauendum  
esset. Equo à Te Regio donatus facile apparet, quo  
cursu sit ad immortalitatis gloriam perrecturus. Iam  
de hostibus Crucis triumphans in arduo Pacis Arcu  
fulgere hoc Flumen iure optimo voles, quia præfi-  
xum semper habuit trophæum Crucis. Reliquorum  
pariter integræ legiones suis hunc Arcum Stemma-  
tibus longè latèq; induent Tuæ Maiestatis arbitratu,  
cuius obsequio dicata tulerant in Amurathem. No-  
bis omnes elogijs ornare, infinitum: neminem, in-  
iustum videbatur. Satis honorum fuerit, si non tam  
memori chartæ, quàm Regio pectori nomina esse  
inscripta vniuersorum intellexerint: nec aliud epi-  
nicion laborum, & victoriæ comitibus, ad laurife-  
ræ Portæ ingressum dabimus.

*Phæboné quisquam Parthicis offuderit  
Nimbum sagittis missilem?  
Haud quæret armis obrutam mundus stupens  
Thressam Polonis Cynthia.*

*Quid*



*Quid non pericli quasiere dulcium*  
*Auara laudum secula ?*  
*Natura quidquid horridum, immane, efferum*  
*Excidijs pavit suis*  
*Marti subesse Lechico vel contumax*  
*Gaudet fateri Bosphorus :*  
*Nec Luna celat Bistonis perennibus*  
*Damnata tenebris cornua.*  
*Sic sic, Polone, semper illunes pati*  
*Noctes Amurathen doce.*  
*Fortuna crescit ausibus: fortes suis*  
*Timentur à periculis.*

**H**Æctantorum Arma Trophæo tuo illigata esse  
 patieris, REX POTENTISSIME, ut vim lu-  
 cemq; accipiant. Regum alioqui laudibus aliena mi-  
 scere decora indecorum est, quod obruant maiesta-  
 tem; in Tuis, vel censore mundo, hac parte securi  
 sumus. non magis eorum tibi amplitudo, quam Soli  
 officit lux astrorum. De illorum sic forsân decerpe-  
 remus victorijs, quibus ex sedētibus (tamen & hoc  
 gloriæ datum) afferebantur, adeoq; triumphasse to-  
 ties leguntur, pugnasse nunquam: Tu alienum cre-  
 deres triumphum, ad quem sola tua Felicitas ius ha-  
 beret. manu fortunam ubiq; promoues, non auspi-  
 cijs gloriosior, quam factis, ut gemino successu per  
 omnia ductus bellorum genera omni facilè huma-  
 næ gloriæ præcurras. Duas Orbis partes totidem  
 anni, quos non tam regnando exegisti, quam trium-  
 phando, Tibi supplices vidēre, nouū sanè inuisumq;  
 spectaculum: laureâ Septentrionali alterum, alte-  
 rum Asiaticâ signasti. nunquam illustriore symbo-  
 lo Regalium annorum numerum didicit Orbis ter-  
 rarum. O dignum perennitate biennium, quod lō-  
 ga quo-



ga quorumuis imperiorũ secula non attigere! Ignorabitur olim fortasse Liuius, cum tot seculorum Fastos quisq; iam legere potius volet in, Regni tui anno primo vel altero: manebit sub suo nomine Tacitus, cum belli pacisque artes in, Te (Magnâ Orbis Historiâ) mirificè inclusas discet compendio meliore posteritas: maior fama erit Curtio res Macedonicas supra fidem attollenti, cum exemplo certius, quàm ille commentario, ea edideris, quæ adhuc dubitaret Orbis an fieri possent, nisi iam fecisses. Infelicia superiora tempora, quæ tot bellis caruere: quia & triumphis! felicem tot hostibus Poloniam: quia tot hostium Domitore! Nemo campos illos abhinc steriles dicat & incultos, in quibus è barbarorum terrore nata est Europæ securitas. Erit propugnaculum Orbis terrarum, erit Sarmatiâ, dum infestis mundo Lunis Turcicis hanc Tu oppones terram, vt obumbret. Portentum suspicari visæ sunt exteræ nationes, cum Te Bredana clarissimi Spino-læ castra ineunte, Luna cælestis ire in tenebras confestim atq; pati deliquium cœpit: ominis iam habet interpretem hunc Triumphum; Castra modò Tua ingrediebaris, cum repentè caligo barbaris oborta. Hunc Te Superi, VLADISLAE REX POTENTISSIME, seruent humano generi, vt Tu genus humanum, DONEC AVFERATUR

L V N A.

*Ad maiorem Dei Gloriam.*





no-  
Fa-  
an-  
aci-  
bis  
ne-  
ce-  
er-  
ad-  
les.  
re:  
m:  
los  
ba-  
ro-  
in-  
ter-  
unt  
no-  
on-  
bēt  
ua  
rta.  
O-











